

CYNGOR TREF FFESTINIOG

Swyddfa'r Cyngor 5 Stryd Fawr
Blaenau Ffestiniog Gwynedd LL41 3ES
☎ 01766 832398
cyngortrefffestiniog@tiscali.co.uk



COFNODION CYFARFOD BLYNYDDOL O'R CYNGOR GYNHALIWYD NOS WENER 4^{ydd} o FAI 2007 YN SIAMBR Y CYNGOR AM 7.00 Y.H.

CADEIRYDD: Cynghorydd David Lloyd Hughes

YN BRESENNOL: Cynghorwyr: H. Emyr Jones, Agnes Edwards, Dafydd G. Dafis,
Arthur H. Williams, Morfydd Lloyd, Linda A.W. Jones,
Mel Goch ap Meirion, Margretta Young-Jones, Ceinwen Ll. Humphreys,
Eddie Roberts a George Hughes

YMDDIHEURIADAU: Cynghorwyr: Arwel Jones, Rhian Williams a Carolyn Iolo.

Cymerwyd y weddi agoriadol gan y Cadeirydd.

7051/05/07 DATGAN DIDDORDEBAU

Cynghorydd Linda A. W. Jones	-	Pob Cais Cynllunio
Cynghorydd George Hughes	-	Ceisiadau Cynllunio Priodol, Yr Heddlu

7052/05/07 CADEIRYDD

Etholwyd y Cynghorydd Margretta Young-Jones yn Gadeirydd am y flwyddyn 2007/2008.

Cyflwynodd y Cynghorydd Dafydd Ll. Hughes y gadwyn swydd i'r Cynghorydd Margretta Young-Jones a dymunodd pob llwyddiant iddi yn ei swydd fel Cadeirydd Cyngor Tref Ffestiniog. Diolchodd y Cynghorydd Margretta Young-Jones am y fraint o gael ei hethol fel Cadeirydd Cyngor Tref Ffestiniog.

Darllenodd y Cynghorydd Dafydd Ll. Hughes lythyr a oedd wedi ei gyflwyno i'r clerc ar ddechrau'r cyfarfod. Diolchodd y cyn Gadeirydd i'w gyd gynghorwyr am eu cydweithrediad a'u cefnogaeth yn ystod y deunaw mis diwethaf. Dywedodd iddo gael plaser mawr o gyd weithio a swyddogion Cyngor Gwynedd i drefnu'r goleuadau Nadolig, sgipiau cymunedol, llinellau melyn dwbl a chael y fraint o chwifio'r Ddraig Goch yn Sgwâr Diffwys.

Aeth ymlaen i ddarllen nad oedd wedi hoffi'r ddyletswydd o ddelio'r a'r cais o enllib a ddygwyd yn erbyn y Cyngor Tref a Mr Elwyn Hughes, cyn clerch y Cyngor, gan y Cyngorydd George Hughes. Oherwydd iddo deimlo'n gryf iawn na allai gyd weithio bellach gyda'r Cyngorydd George Hughes, bu iddo ymddiswyddo fel cyngorydd yn cynrychioli ward Diffwys a Maenofferen ar Gyngor Tref Ffestiniog.

Diolchodd gyngorydd i'r cyngorydd Dafydd Ll. Hughes am y gwaith hynod o dda mae wedi ei gyflawni tra yn y Gadair a dywedodd ei bod yn amlwg bod ysgrifennu'r llythyr wedi bod yn galed iawn arno.

Dywedodd sawl cyngorydd bod y cyhoeddiad hwn yn sioc fawr iddynt a efyynnwyd arno i ail feddwl gan iddo fod yn gyngorydd mor weithgar. Dywedwyd bod posibilrwydd i fwy o gynghorwyr ymddiswyddo yn ei sgil a fydd yn rhoi dyfodol y Cyngor Tref mewn perygl.

Yn anffodus ni fu'n bosib newid meddwl y Cyngorydd Dafydd Ll. Hughes a gadawodd y cyfarfod.

7053/05/07 IS GADEIRYDD

Etholwyd y Cyngorydd Eddie Roberts yn Is Gadeirydd am y flwyddyn 2007/2008.

Diolchodd y Cyngorydd Eddie Roberts i'w gyd gynghorwyr am ei ethol.

7054/05/07 AELODAU O'R IS BWYLLGOR

Yn ystod y drafodaeth i benodi aelodau o Is Bwyllgor y Cyngor dywedodd y Cyngorydd Dafydd Gwallter Dafis iddo gefnogi'r safiad a wneir gan Dafydd Ll. Hughes ac iddo benderfynu na allai aros mwyach yn y cyfarfod gan fod ganddo angen ystyried ei swydd fel cyngorydd a gadawodd y cyfarfod.

Rhoddwyd cynnig, a gafodd ei eilio, a chafodd gefnogaeth yr holl gynghorwyr a oedd yn bresennol i'r Cadeirydd roddi caniatâd i'r Cyngor roddi'r Rheolau Sefydlog o'r neilltu. Rhoddwyd y caniatâd hwn.

Yn ystod y drafodaeth a ddilynodd penderfynodd y Cyngorydd Mel Goch ap Meirion na welai ddiwedd i'r busnes a gadawodd y cyfarfod.

Penderfynodd sawl cyngorydd eu bod am adael y cyfarfod ond nid oeddynt am ddylanwadu ar unrhyw gyngorydd arall.

Gosodwyd y Rheolau Sefydlog yn ôl a chan nad oedd cworwm gan y Cyngor daeth y Cadeirydd y cyfarfod i ben am 7.45 yr hwyr.

CADEIRYDD

